

CONVOCATORIA DE AXUDAS PARA A CONSOLIDACIÓN E A ESTRUTURACIÓN DE UNIDADES DE INVESTIGACIÓN COMPETITIVAS E OUTRAS ACCIÓNS DE FOMENTO NAS UNIVERSIDADES DO SUG, NOS ORGANISMOS PÚBLICOS DE INVESTIGACIÓN DE GALICIA E NOUTRAS ENTIDADES DO SISTEMA GALEGO DE I+D+I ANO 2018

NO [DOG](#) do día 5 de xuño a Consellería de Cultura, Educación e Ordenación Universitaria, publicou a orde pola que se convocan as axudas para a consolidación e a estruturación de unidades de investigación competitivas e outras accións de fomento nas Universidades do SUG, nos organismos públicos de investigación de Galicia e noutras entidades do sistema galego de I+D+i, **exercicio 2018**.

MODALIDADES DAS AXUDAS

As modalidades de axudas que se establecen son:

- MODALIDADE A: GRUPOS DE REFERENCIA COMPETITIVA **ED431C**
- MODALIDADE B: GRUPOS CON POTENCIAL DE CRECEMENTO **ED431B**
- MODALIDADE C: PROXECTOS DE PERSOAL INVESTIGADOR CON TRAXECTORA EXCELENTE **ED431F**

BENEFICIARIOS

Poderán ser beneficiarios destas axudas:

As universidades do SUG.
Os organismos públicos de investigación de Galicia.
As fundacións de investigación sanitaria de Galicia.
Os centros do CSIC radicados en Galicia.
Instituto Español de Oceanografía radicado en Galicia (IEO).

DESTINATARIOS DA AXUDAS

Poderán ser destinatarios das axudas os grupos de investigación recoñecidos como tales polas distintas entidades.

CONCEPTOS SUBVENCIONABLES

Os importes das axudas irán destinados a financiar os seguintes conceptos, sempre que se relacionen coa actividade de consolidación:

- Custo de contratación de persoal investigador ou auxiliar de investigación.
- Pequeno equipamento inventariable e material funxible.
- Material bibliográfico, cotas de coloquios e congresos e adhesión a sociedades científicas. Non se considerará neste epígrafe o persoal colaborador externo do grupo

- Formación dos membros do grupo ou do persoal adscrito ao proxecto relacionado coa actividade obxecto da axuda mediante estadias curtas cunha duración mínima de 15 días e máxima de 3 meses. Non se considerará neste epígrafe o persoal colaborador externo do grupo.
- Viaxes e axudas de custo de membros do grupo ou do persoal adscrito ao proxecto. Non se considerará neste epígrafe o persoal colaborador externo do grupo.
- Investigadores visitantes.
- Organización de actividades de difusión así como a presenza en medios de comunicación.
- Ferramentas de xestión do coñecemento e a información.
- Consultoría e asesoramento externo para deseñar e aplicar a estrutura e a estratexia do grupo ou do proxecto.
- Gastos derivados de elaboración dun informe de auditoría. **O custo deste informe será de aproximadamente 370 euros.**
- Custos indirectos, que non superarán o 20% da axuda.

INDICADORES

No apartado de indicadores debe indicarse 5.

GRUPOS DE REFERENCIA COMPETITIVA

A convocatoria vai dirixida aos grupos de investigación que pola súa produción científica e a súa actividade de I+D constitúan unha referencia no Sistema Galego de I+D+i.

As axudas constarán de dous módulos:

- **Modulo estrutural anual :**
 - Fixo de 30.000** euros na anualidade de 2019.
 - Fixo de 35.000** euros nas anualidades de 2020 e 2021.
 - Un variable** máximo de 30.000 euros na anualidade de 2019
 - Un variable** máximo de 35.000 euros nas anualidades de 2020 e 2021
- **Modulo variable**, acumulable ao anterior, en función dos ingresos anuais medios do grupo nos tres exercicios anteriores á concesión, segundo os seguintes tramos:
 - Ingresos medios de 150.000 a 300.000 €:** ata 20.000 € na anualidade de 2019 e 30.000 euros nas anualidades de 2020 e 2021.
 - Ingresos medios de 300.001 a 400.000 €:** ata 30.000 € na anualidade de 2.019 e 45.000 euros nas anualidades de 2020 e 2021.
 - Ingresos medios superiores a 400.000 €:** ata 60.000 € na anualidade de 2.019 e 70.000 euros nas anualidades de 2020 e 2021.

REQUISITOS

Ser un grupo de investigación reconecido que cumpra os criterios seguintes:

a) Ter polo menos 5 investigadores. Entendese por investigador aquela persoa que teña título de doutor, que forme parte dun grupo de investigación no rexistro da Universidade correspondente do SUG e que teña algunha das seguintes categorías profesionais:

- Catedrático ou profesor titular de universidade ou de escola universitaria.
- Profesor/a contratado doutor/a ou profesor axudante doutor.
- Profesor/a Asociado de Ciencias da Saúde (PACS).
- Profesores/as Eméritos/as
- Contratados dos programas Ramón y Cajal, Juan de la Cierva ou posdoutorais do Mineco, posdoutorais I2C da Xunta de Galicia (agás aqueles que están na súa fase de estadía no estranxeiro) ou Oportunius da Xunta de Galicia (Persoal investigador baixo a modalidade de investigador distinguido contratado pola GAIN ao abeiro do Decreto 64/2016) ou Marie Curie (neste último caso sempre que teñan adscrición a unha universidade do SUG durante toda a vixencia da axuda).

En ningún caso terán a consideración de investigadores, para os efectos desta convocatoria, os profesores visitantes, o resto dos profesores asociados, os profesores colaboradores, os contratados con cargo a proxectos e os lectores.

b) Cumprir como mínimo UN dos seguintes requisitos

- Ter polo menos 3 proxectos competitivos activos, cun importe superior a 15.000 euros cada un, ou ter polo menos 1 proxecto competitivo activo, cun importe superior a 75.000 euros, no período comprendido entre o 1 de xaneiro de 2015 e o 31 de decembro de 2017.
- Ter ingresos medios anuais por actividades de I+D superiores a 150.000 euros ou 80.000 cando se trate de grupos das ramas de coñecemento de Artes e Humanidades, Ciencias Sociais e Xurídicas, no período comprendido entre o 1 de xaneiro de 2015 e o 31 de decembro de 2017.
- Ter sido beneficiario das axudas a grupos de referencia competitiva do programa de consolidación e estruturación de unidades de investigación competitiva do SUG na convocatoria do ano 2014.

c) Cumprir polo menos DOUS dos seguintes criterios de produción científica nos tres anos anteriores á solicitude (do 1 de xaneiro de 2015 ao 31 de decembro de 2017).

- Artigos en publicacións incluídas en SCOPUS ou Web of Science: polo menos **10 publicacións**. No caso dos grupos das ramas de coñecemento de artes e humanidades e ciencias sociais e xurídicas considéranse artigos en publicacións ERIH, IN-REC, IN-RECJ, DICE e LATINDEX.
- Libros publicados: **polo menos 3** (só para grupos das ramas de coñecemento de Artes e Humanidades ou Ciencias Sociais e Xurídicas), sempre que sexa autor individual ou coautor entre un máximo de 3 autores).

- Teses dirixidas/codirixidas e lidas: **polo menos 3 teses**
- Patentes en explotación nas que a universidade sexa titular: **polo menos 1 patente (ou 4 rexistros de propiedade intelectual de software ou 4 rexistros de variedades vexetais).**
- Acordos de explotación ou empresas (EBTs) xerados a partir de resultados obtidos polo grupo: **polo menos 1 acordo ou EBT**. Poderán ser empresas creadas antes do 1 de xaneiro de 2015, sempre que teñan actividade probada desde esa data ata o momento da solicitude.
- Participación, **como líder** de proxecto ou de workpackage , en proxectos de Programa marco da UE: **polo menos 1 liderado de proxecto.**

GRUPOS CON POTENCIAL DE CRECEMENTO (GPC)

Estas axudas van dirixidas á consolidación de grupos de investigación do SUG que pola súa produción científica e a súa actividade de I+D amosan potencial de crecemento ata converterse en grupos de referencia do sistema galego de I+D+i.

As axudas serán de aplicación por un período de dúas anualidades (2.019-2.020), mediante o pagamento dunha contía máxima de 45.000 en cada unha delas.

REQUISITOS

Ser un grupo de investigación do SUG, recoñecido pola Universidade que cumpra os criterios seguintes:

- a) **Ter polo menos 3 investigadores. Entendese por investigador aquela persoa que teña título de doutor, que forme parte dun grupo de investigación no rexistro da Universidade correspondente do SUG e que teña algunha das seguintes categorías profesionais:**
 - b) -Catedrático ou profesor titular de universidade ou de escola universitaria.
 - c) -Profesor/a contratado doutor/a ou profesor axudante doutor.
 - d) -Profesor/a Asociado de Ciencias da Saúde (PACS).
 - e) -Profesores/as Eméritos/as
 - f) -Contratados dos programas Ramón y Cajal, Juan de la Cierva ou posdoutorais do Mineco, posdoutorais I2C da Xunta de Galicia (agás aqueles que están na súa fase de estadía no estranxeiro) ou Oportunius da Xunta de Galicia (Persoal investigador baixo a modalidade de investigador distinguido contratado pola GAIN ao abeiro do Decreto 64/2016) ou Marie Curie (neste último caso sempre que teñan adscrición a unha universidade do SUG durante toda a vixencia da axuda).

En ningún caso terán a consideración de investigadores, para os efectos desta convocatoria, os profesores visitantes, o resto dos profesores asociados, os profesores colaboradores, os contratados con cargo a proxectos e os lectores.

b) Cumprir como mínimo CATRO dos seguintes requisitos de actividade nos tres anos anteriores á solicitude (1 de xaneiro de 2015 ao 31 de decembro de 2017)

- Ingresos medios anuais por actividades de I+D: **superior a 80.000 euros (ou superior a 40.000 euros)** cando se trate de grupos das ramas de coñecemento de Artes e Humanidades ou Ciencias Sociais e Xurídicas).
- Proxectos competitivos activos **no período: polo menos 2 proxectos** de importe superior a 15.000 euros cada un, ou polo menos 1 proxecto de importe superior a 50.000 euros.
- Contratos ou convenios con empresas ou institucións: **polo menos 2 contratos** ou convenios, dun importe superior a 15.000 euros cada un.
- Artigos en publicacións incluídas en SCOPUS ou Web of Science: **polo menos 3 publicacións.** No caso dos grupos das ramas de coñecemento de Artes e

Humanidades e Ciencias Sociais e Xurídicas, consideraranse artigos en publicacións en ERIH, IN-REC, IN-RECJ, DICE e LATINDEX.

- Libros publicados: **polo menos 2** (so para grupos das ramas de coñecemento de Artes e Humanidades ou Ciencias Sociais e Xurídicas, sempre que sexa autor individual ou co-autor entre un máximo de tres autores).
- Teses dirixidas/codirixidas e lidas: **polo menos 2 teses**
- Patentes en explotación nas cales a universidade sexa titular: **Polo menos 1 patente** (ou **DOUS** rexistros de propiedade intelectual de software ou **DOUS** rexistros de variedades vexetais).
- Empresas creadas a partir de resultados de investigación do grupo: **polo menos 1 empresa**. Poderán ser empresas creadas antes do 1 de xaneiro de 2015, sempre que teñan actividade probada desde esa data ata o momento da solicitude.
- Participación, como socio ou líder, en proxectos de Programa marco da UE: **polo menos 1 participación**.
- Ter sido beneficiario das axudas a grupos con potencial de crecemento do programa de consolidación e estruturación de unidades de investigación competitivas do SUG da convocatoria do ano 2015.

PROXECTOS DE EXCELENCIA

Son axudas para a realización de proxectos de investigación a investigadores individuais que, contando cunha traxectoria excelente consolidada ou en formación, teñen que afianzar unha liña de traballo baseada en proxectos de alto impacto, fundamentalmente nos ámbitos nacional ou internacional.

MODALIDADES

Haberá dúas modalidades:

- LIÑA DE REFORZO DA TRAXECTORIA INVESTIGADORA CONSOLIDADA
- LIÑA DE REFORZO DE TRAXECTORIAS EMERXENTES

REQUISITOS DA LIÑA DE REFORZO DE TRAXECTORIA INVESTIGADORA CONSOLIDADA

Os investigadores candidatos a esta liña deberán cumprir os seguintes requisitos:

- Vinculación laboral estable
- Que, tendo recibido unha axuda Starting Grant do ERC, rematen o disfrute desa axuda no ano 2018.

A axuda unicamente estará vixente sempre e cando a persoa investigadora manteña a dita vinculación estable coa USC, non podendo transferirse a outro investigador se por calquera causa non se manteñen estas condicións.

REQUISITOS DA LIÑA DE REFORZO DE TRAXECTORIAS EMERXENTES

Estas axudas van dirixidas ao persoal adscrito ao programa Ramón y Cajal das convocatorias dos anos 2013, 2014, 2015 e 2016 que tomasen posesión efectiva da súa praza nesa categoría na USC, antes da publicación e que non se lles concedera unha axuda nas convocatorias dos anos 2016 e 2017.

O persoal investigador que lidere estes proxectos non poderá ter unha axuda activa, como investigador principal (ou ben solicitala ao abeiro desta convocatoria), nesta modalidade en anos anteriores ou dos programas de Grupos de referencia competitiva, Grupos de Potencial Crecemento, ou do ERC.

Os proxectos unicamente poderán ter unha DURACIÓN igual ou inferior ao tempo que lles reste de contrato ao investigador e sempre e cando permaneza no programa Ramón y Cajal na USC., e non poderá ser transferido a outro investigador.

Se durante o prazo de vixencia desta axuda o investigador principal obtén unha axuda GRC ou GPC ou do ERC deberá renunciar á axuda concedida ao abeiro desta orde.

EQUIPO DE INVESTIGACIÓN

Nas dúas liñas a persoa responsable do proxecto deberá contar cun equipo mínimo de DUAS PERSOAS (sen contar co investigador principal), que deberán cumprir os seguintes requisitos:

- As tres persoas que formen o equipo mínimo deberán prestar servizos na USC durante toda a vixencia do proxecto.
- So un de todos os membros do equipo poderá ter a categoría de Profesor Titular de Universidade ou de Escola Universitaria, investigador científico de organismos públicos de investigación ou científicos titulares de organismos públicos de investigación.
- Ningún membro do equipo poderá ter a categoría de Catedrático ou profesor de investigación de organismos públicos de investigación.
- Os estudantes predoutorais poderá ser membros do equipo sempre que exista unha vinculación mediante contrato ou matrícula.

CONTIA E DURACIÓN

Proxectos de traxectoria investigadora consolidada: Estas axudas serán de aplicación por un período de ata 4 anualidades. O importe da axuda será dunha contía máxima anual de 50.000 €.

Proxectos de traxectoria investigadora emerxente: Estas axudas serán de aplicación por un período máximo de ata 5 anualidades. O importe da axuda será dunha contía máxima anual de 15.000 euros para o ano 2018 e de 25.000 € para os anos, 2019, 2020, 2021 e 2022.

INFORMACIÓN

Para consultar calquera dúbida sobre a convocatoria poderá poñerse en contacto:

Consellería de Cultura, Educación e Ordenación Universitaria: Tef.: 881999541

Correo electrónico: dxpct-xestion@edu.xunta.es

OIT: Extensións 16217, 16265, 16216//recursoshumanos.consolidacion@usc.es

Santiago de Compostela, 5 de xuño de 2018

A Vicerreitoría de Investigación e Innovación